



PARTANGIANGAN WIJK

HKBP KRAMATJATI RESSORT KRAMATJATI



Partangiangan : Minggu-I Bulan Mei 2025
Tgl :/...../Mei/2025
Wijk :
Pangaradeon : (L;Liturgis R;Ruas)

I. MARENDE BE No. 562: 1 – 2 "Hamuna Ale Jolma"

1. *Hamuna ale jolma, sai puji Debata*

Hamuna ale jolma, sai puji Debata

2. *Gok asi ni rohaNa, sahat tu hita on*

Dohot HabonaronNa, sai hot do i tongtong

II. VOTUM INTROITUS TANGIANG (A.X/B.3 – D.VII/27)



III. MANJAHATA NI DEBATA, Hesekiel 34:11-16 (responsoria)

L: Ai songon on do hata ni Tuhan Jahowa: Ida ma, ahu,
apala ahu sandiri usousogot di birubirungku, jala
luluanku nasida.

R: Songon pangalului ni parmahan di penguanna di ari uju
di tongatonga ni birubirunna angka na mampar i ibana, suang
songon i ahu mangalului birubirungku sogot, jala paluaonku
nasida sian saluhut inganan parserahannasida i, * uju di ari
ombun dohot haholomon marimpotimpot.

L: *Jala ahu manogihon nasida ruar sian angka bangso dohot papunguhon nasida sian angka luat, asa huboan nasida mulak tu tanonasida i, laos ahu marmahan nasida di atas ni angka dolok Israel, di bagasan angka rura dohot di bagasan saluhut parmianan di tano on.*

R: *Di * jampalan apala na lomak ahu marmahan nasida, jala di atas dolok angka na timbo di Israel parudamannasida, disi ma mangulon nasida di parudaman na denggan, jala jampalan apala na lomak jampalanna di atas ni angka dolok ni Israel.*

L: **Ahu sandiri ma marmahan birubirungku, jala ahu paulon nasida, ninna Tuhan Jahowa.**

L-R: *Luluanku ma na mago i, jala mulak boanonku na tardempar i, jala lilitanku do na mabugang i, jala pargogoanku do na marsahit i; alai anggo na mokmok i dohot na gogo i siaphononku do, ahu sandiri tahe marmahansa marhitehite uhum.*

L: **I do sahat na. Martua do angka natumangihon hata ni Debata jala naumpeopsa**

R: *Amen.*

IV.MARENDE BE No. 139:1-2BL. 74 "Sada Siparmahan I"

*1. Sada siparmahan i, sapunguan dorbiana
Di na jumpang hata i, longang situtu rohana
Sai haposi Jesus i, ingkon saut hataNa i*

*2. Dao dope arina i, tatap ma ai nunga mullop
Sangap ni Tuhanta i, na tu bangso i naeng songgop
Loja do na lili i mangoloi di begu i*

V. Jamita, Pangungkapon 7 : 9 - 17



VI. MARENDE BE No. 689: 1 – 2 "Di Holong Ni RohaNa"

*1. Di holong ni rohaNa, sonang do tondingki
Maporus nasa biar, arsak nang holsongki
Nang ro pe habahaba, palomos rohangki
PangaramotionNa paposhon rohangki*

*2. Tudia au diboan, ndang na sumurut au
Ibana do parmahan, birubiruNa au
Di holong ni rohaNa disarihon do au
Tu bagasan tanganNa ma hupasahat au*

VII. TANGIANG PANGONDIANON (Sian Na Ro)

VIII. MARENDE BE.No.502: 1,3 BL.342 "Jahowa Siparmahan Au"

*1. Jahowa siparmahan au, Na tau mangago dipadao
Na so hurangan au dibaen, Sandok tubuNa au diain
Jahowa Siparmahan au, Jahowa Siparmahan au*

*3. Sai dipasabam rohangki, Tiur do sidalananki
Sai ingotonku basaMi, Saleleng ni lelengna i,
Jahowa Siparmahan au, Jahowa Siparmahan au*

IX.TANGIANG (Sian Parjabu)

X. MARENDE BE. No.323: 1-3 BL. 204 "Siparmahan Bolon"

*1. Siparmahan bolon Na so olo modom Tatap ma au on
BasaMi o Tuhan Do mangaramothon Au sadari on
Borngin pe Ho ma muse Na manjaga humaliang Ahu asa sonang*

2. Ho ma manamparhon Nasa parmaraan Dohot basaMi

3. *Dohot ma donganku Hinaholonganku Sahat ma tu Ho
Sai tong diranapi MataMi ma hami asa sonang do
Ho tongtong di lambungkon Jala au di Ho, o Tuhan i do hasonangan*